

甲一 標宗 (pp.170~178)

觀自在菩薩行深般若波羅蜜多時，照見五蘊皆空，度一切苦厄。

甲二 顯義 (pp.178~205)

乙一 正為利根示常道

丙一 法說般若體

丁一 修般若行

戊一 廣觀蘊空

己一 融相即性觀——加行 (pp.179~183)

舍利子！色不異空，空不異色；色即是空，空即是色。受、想、行、識，亦復如是。

己二 泯相證性觀——正證 (pp.183~189)

舍利子！是諸法空相：不生不滅，不垢不淨，不增不減。是故空中無色，無受想行識。

戊二 略觀處界等空 (pp.189~197)

無眼耳鼻舌身意，無色聲香味觸法。

無眼界乃至無意識界。

無無明，亦無無明盡；乃至無老死，亦無老死盡。

無苦集滅道。

無智亦無得。

戊三 結顯空義 (pp.197~198)

以無所得故。

丁二 得般若果

戊一 涅槃果——三乘共果 (pp.199~200)

菩提薩埵，依般若波羅蜜多故，心無罣礙。無罣礙故，無有恐怖，遠離顛倒夢想，究竟涅槃。

戊二 菩提果——如來不共果 (pp.200~202)

三世諸佛，依般若波羅蜜多故，得阿耨多羅三藐三菩提。


丙二 喻讚般若德 (pp.202~203)

故知般若波羅蜜多，是大神咒，是大明咒，是無上咒，是無等等咒，能除一切苦，真實不虛。


乙二 曲為頓根說方便 (pp.203~205)

故說般若波羅蜜多咒，即說咒曰：揭帝揭帝，般羅揭帝，般羅僧揭帝，菩提僧莎訶。


五  
蘊



十二  
處



十八  
界



五  
位

